



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DLXXVII. ad annum DXC.

**Parisiis, 1644**

Epistola XIV. Gregorii Papae I. Ad Evmdem. Vt Felicem diaconum in sua ecclesia suscipiat.

**urn:nbn:de:hbz:466:1-15221**

quam porrecta ab eo continere videtur suggestio, causam eiusdem canonice legitimateque perquire, & quidquid tibi secundum Deum visum fuerit, iuuante Domino, ita stude decernere, ut nulla de hac re quæstio ad nos vterius reuertatur. Illud autem caritatem tuam specialiter admone- Ioan. diac.  
lib. 3. c. 22.

mus, vt si vera fuerit huius suggestio, atque in suum fuerit ordinem restitutus, de presbytero, qui in loco eius ordinatus est, subtiliter districteque debeas esse solicitus. Et si quidem sine datione aliqua ad eumdem ordinem peruerterit, vt in simoniacam hæresim non potuisset incidere, in alia quacumque vacante ecclesia eum volumus cardinari. Sin autem in eo quidpiam, quod auertat Dominus, fuerit tale repertum, ipso etiam presbyteratus priuetur ordine, quem non causa replendæ necessitatis ecclesiæ, sed sola comprobatur ambitione suscepisse.

## EPISTOLA XIV.

## GREGORII PAPÆ I.

AD EVMDEM.

Ut Felicem diaconum in sua ecclesia suscipiat.

*Gregorius Maximiano episcopo Syracusano.*

**P**RÆSENTIVM lator Felix diaconus, cum nullatenus in Ioan. diac.  
3. cap. 20. hæreticorum dogmata lapsus sit, nec a catholica fide discesserit, prauis illectus aduersus Constantinopolitanam Synodus suspicionibus, in Istricorum se separatione remouerat. Qui cum Romam venisset, recepta a nobis, iuuante Domino, ratione, excessum suum, recepta dominici corporis & sanguinis communione, correxit. Quia ergo, vt dictum est, non in hæresim incidit, sed a sacris generalis ecclesiæ mysteriis quasi rectæ studio intentionis errauit, imbecillitatí eius atque necessitatibus consilentes, maximeque sustentationi eius pietatis intuitu prouidentes, in tua ecclesia Syracusana eum præuidimus cardinandum, siue vt officium diaconatus expleat, seu certe vt sola eiusdem officii pro sustentanda paupertate sua commoda consequatur, in tua fraternitatis volumus hoc penderre iudicio. Quod hortamur vt tua fraternitas implere festinet. Commandantes etiam personam eius, quatenus nullis eum patiaris molestiis aut necessitatibus subiacere,

Yy iij

ne vel nostræ commendationis inueniaris tramitem neglexisse, vel minus exhibuisse quam tuus exigit ordo pauperibus: quia & nos ei annum quid de nostra ecclesia dari fecimus, vt eiusdem operis, quod te hortamur exhibere, participes esse possemus.

## EPISTOLA XV.

## GREGORII PAPÆ I.

## AD EPISCOPOS DALMATIÆ.

Vt nulli in Salonitana ecclesia sine sua permissione manus imponant: & de Maximi præsumptione.

*Gregorius uniuersis episcopis per Dalmatiam.*

**O**POR TVERAT quidem fraternitatem vestram diuini respectu iudicii, clausis carnalibus oculis, nihil quod ad Deum pertinet a recta mentis intentione omittere, nec cuiuslibet hominis faciem rectitudini iustitiae præponere. Sed postquam mores vestri ita sunt sacerdotalibus traducti negotiis, vt obliuiscentes omnem sacerdotalis in vobis honoris tramitem, cunctumque superni metus intuitum, non quid Deo, sed quid vobis placeat studeatis explere, neceesse habuimus hæc ad vos districtiora specialiter scripta transmittere: quibus ex beati Petri principis apostolorum auctoritate præcipimus, vt nulli penitus extra consensum permissionemque nostram, quantum ad episcopatus ordinationem pertinet, in Salonitana ciuitate manus præsumatis imponere, nec quemquam in ciuitate ipsa aliter quam diximus ordinare. Quod si contra hæc quidpiam vel sponte vestra, vel a quolibet coacti præsumpsieritis vel tentaueritis agere, decernimus vos a dominici corporis & sanguinis participatione priuatos, quatenus ex eadem vobis ipsa attrectatione vestra, vel voluntate transgredienda præceptionis nostræ, a cælestibus mysteriis alieni sitis, nec is quem ordinaueritis habeatur episcopus. Nos namque nullum cuius vita reprehendi potest, ordinari temere volumus. Quod si Honoratus diaconus indignus ostenditur, de vita moribusque eius qui electus fuerit nobis renuntiari volumus, vt quidquid in hac re agendum est, cum consensu nostro salubriter permittamus im-